

**TEKS UCAPAN
TUAN YANG DIPERTUA
MAJLIS PERBANDARAN SEBERANG PERAI
SEMPENA
MAJLIS PERASMIAN PROJEK PENGURUSAN SISA ORGANIK
CCAC / BANK DUNIA DI TAMAN PANDAN, BUTTERWORTH
PADA 18 JANUARI 2014 (SABTU)
JAM 8:00 MALAM**

Yang Berhormat Tuan Phee Booh Poh

Ahli Majlis Mesyuarat Kerajaan Negeri Pulau Pinang

Merangkap Pengerusi Jawatankuasa Kebajikan, Masyarakat Penyayang
dan Alam Sekitar

Yang Dihormati Ahli Majlis - Ahli Majlis

Majlis Perbandaran Seberang Perai

Yang Berusaha Tuan Sr Hj Rozali bin Hj Mohamud

Setiausaha Perbandaran, MPSP

Yang Berusaha Encik Tan Ah Kuang

Naib Pengerusi Perbadanan Pengurusan Pangsapuri Taman Pandan

Ketua - ketua Jabatan

Penduduk-penduduk Pangsapuri Taman Pandan

Rakan - rakan Media

Tuan - tuan dan puan - puan yang dihormati sekalian

Assalamualaikum warahmatullahi wabarakatuh dan salam sejahtera,

Bersyukur saya kehadiran Allah S.W.T kerana dengan limpah perkenan serta izinnya, kita semua dapat berkumpul di Pangsapuri Taman Pandan, Butterworth untuk Majlis Perasmian Projek Pengurusan Sisa Organik CCAC / Bank Dunia.

Hadirin Hadirat sekalian,

Pada Ahad yang lepas, iaitu pada 12 hb yang lalu, saya telah merasmikan program yang serupa di Park View, Butterworth. Pemilihan Pangsapuri Taman Pandan, Butterworth untuk terlibat dalam projek bersama *Climate and Clean Air Coalition (CACC)* / Bank Dunia adalah kerana Taman Pandan memang aktif dalam program seperti pengkomposan, kitar semula dan lain - lain.

Untuk makluman semua,

Terdapat tiga bandaraya di Asia yang dipilih bagi projek percubaan ini iaitu Dhaka, Bangladesh, Hanoi, Vietnam dan juga Pulau Pinang. Di Seberang Perai, tiga lokasi yang dipilih adalah Park View, Pangsapuri Taman Pandan dan Pangsa PPR Ampangan.

Projek ini adalah bertujuan untuk membuat kajian untuk mengkaji amalan baik pengurusan sisa pepejal terutama sisa organik. Hasil kajian di ketiga - tiga lokasi yang dipilih ini akan dijadikan panduan penyediaan dasar, teknologi, kewangan dan penyertaan pihak swasta dalam program - program berkenaan dengan sisa. Hasil kajian ini akan dibentangkan di dalam satu seminar yang akan dijalankan oleh Kerajaan Negeri Pulau Pinang. Apabila telah dibentangkan, kita akan mendapat ciri - ciri profil yang diperlukan. Data - data ini dapat membantu Kerajaan Negeri untuk menggubal polisi "*Segregation At Source*".

Untuk makluman semua,

Kerajaan Negeri Pulau Pinang telah memaklumkan bahawa akan wujud satu sub - committee yang diketuai oleh YB. Tuan Teh Yee Chew untuk mengkaji dan menjalankan kajian - kajian tertentu untuk menggubal dasar dan mewujudkan satu undang - undang kecil baru mengenai pengurusan sisa pepejal dan "*Segregation At Source*" yang akan digunapakai oleh MPPP dan MPSP. Segala best practices yang diamalkan oleh komuniti - komuniti dan business model ini akan menjadi sumber untuk kajian ini.

Saya dimaklumkan oleh En. Chew Eng Seng bahawa Pangsapuri Taman Pandan telah mula menjalankan aktiviti mengumpul barang kitar semula sejak tahun 2002 lagi. Dalam tempoh 12 tahun ini, sebanyak 218,750kg barangan kitar semula berjaya dikutip. Jumlah jualan daripada barangan kitar semula tersebut adalah sebanyak RM 48,161.00. Manakala pada tahun 2006, pengkomposan sisa organik mula dijalankan di Taman Pandan dengan kutipan purata sebanyak 1 tan setiap bulan. Selain itu, kebun kejiranan dan tadahan air hujan juga dijalankan atas usaha Puan Loh Poh Chen.

Jika kajian yang dijalankan di ketiga - tiga lokasi ini berjaya, ia akan banyak membantu MPSP memandangkan Majlis membelanjakan RM 8,639,665.44 sepanjang tahun 2013 untuk menguruskan 427,706.21 tan sampah di Tapak Pelupusan Pulau Burung. Kos perbelanjaan ini masih belum termasuk gaji pekerja, kos penyelenggaraan dan pembaikan kenderaan, petrol dan lain - lain. Jika kita dapat menjalankan kitar semula, pengkomposan, ia dapat mengurangkan banyak sampah yang dihantar ke tapak pelupusan.

Pangsapuri Taman Pandan mempunyai 3 blok dengan bilangan unit 357. Purata sampah yang dipungut oleh MPSP ialah 352 Kg/hari iaitu 0.985 kg seisi rumah. Angka ini lebih rendah berbanding dengan lain -

lain kawasan itu lebih 1.10kg seisi rumah. Oleh itu, saya percaya program ini dapat dijalankan dengan lebih baik lagi di sini dan saya berharap agar komuniti di sini dapat menjadi contoh kepada komuniti yang lain di luar sana.

Akhir kata, bagi memastikan projek ini dapat berjalan dengan jayanya, saya menyeru kepada Perbadanan Pengurusan Pangsapuri Taman Pandan dan penduduk Pangsapuri Taman Pandan agar memberi kerjasama membantu dalam kerja menimbang sisa organik yang dikeluarkan. Semua yang ditimbang harus direkodkan bagi tujuan pengauditan kerana Pegawai Bank Dunia akan membuat lawatan pada bulan Mac 2014.

Sekian, terima kasih.